



Landjugiprogramm

April – Juni

2023



Spaghetti-Ässe: MI, 05.04.2023

A däm Mittwuchabä wei mir zäme ga Spaghetti icheschlürfle. Mitem 19:19-Bähndli züggle mir vom Boll uf Bärn ih d Spaghetti Factory. D Andrea nimmt dini Ahmäudig bis am 02.04. entgäge u reserviert üs es paar Tische.

Ostermäntiger: MO, 10.04.2023

Bisch o dr Meinig, dass mir dr Ostermäntiger nid öppe dörfe verpasse? De suech dir itz grad dis 4er-Team (2 Froue & 2 Manne) zäme u mäud di bis am 02.04. bir Nina ah! O das Jahr organisiert d Landjugi Oenzthal dr jährlech Ostermäntiger ufem Waldhof ds Langenthal. Ä ganze Tag lang dörfe mir üs bi verschidene Pöste aus Gruppe unger Bewis steue. U faus du dis Team no grad nid binang hesch: Kes Problem, du darfsch di o alleini ahmäude u mir bastle de öppis zäme! Träffpunkt isch am 09:00 bim Klubrum.



Bouldere: FR, 14.04.2023

Üs ziehts a däm Fritigabä chli id Höchi. Mir gö nämlech uf Worb i di nöiBoulderHalle. Chunnsch o mit? De fröit sech d Nina über dini Ahmäudig bis am 13.04. u me gsehtsech am 19:00 bim Klubrum.

Utzigen Chilbi: FR - SO, 21. - 23.04.2023

Wuhe, es isch wieder sowit: Utzigen Chilbi! Ds Chilbi-OK het d Ihsatzplän usegäh, drum sötsch du itz mit aune Infos zu dim Ihsatz usgrüestet si. We du näb dire Schicht Zit hesch zum Ahpacke, de chumm unbedingt! Am Sunntig, 23.04. tüe mir no aui zäme ufruume. Dankä scho itz viu mau für dis flissige Mithäufe ar Utzigen Chilbi 2023!



Boxe: DI, 02.05.2023

Mir wei uf Niederwange chli ga drischlah! We sech dini inneri Kampfsou itz grad ahgsproche füeut, darfsch a däm Abä nid fähle. D Jasmin nimmt dini Ahmäudig bis am 25.02. entgäge u mir gseh üs am 19:40 bim Klubrum.

Kartfahre u BEA: SA, 06.05.2023

Schnäu winemore u d Kurve glich breiche – das isch üses Motto a däm Samstig. Mir gseh üs am 13:00 bim Klubrum, göh zäme uf Lyss u fasse dert ä Kart. När wei mir de luege, wär dr Chare im Griff het. Wed o drbi bisch, darfsch di bis am 30.04. bim Ändu ahmäude. Ufem Heiwäg mache mir de no ä Haut ar BEA u o dert giut: Vougas, aber nid ab dr Bahn cho!



Wettmäie ar Goleten Chilbi: SO, 14.05.2023

Chunnsch o mit a ds Wettmäie? D Landjugi Tal steut nämlech es Wettmäie uf d Bei u mir wei denä grad ga zeige, wär wän ds Bode mäit. Ahmäude darfsch di bim Bärni.

Chilbi Ussufete: SO, 21.05.2023

Ab dä 11:00 tüe mir ufsteue, höckle när gmüetlech zäme u sorge drfür, dass d Räschte vor Utzige Chilbi kener Räschte meh si. Schrib dir dä Tag doch grad ih u chumm denn o cho häufe usässe u ussufe! Bi Frage darfsch uf d Andrea zuegah.

Regio-Brätle: FR, 26.05.2023

Ja, du hesch richtig gläse: D Brätli-Zit isch wieder da! A däm Fritigabä ziehts üs zur Landjugi Ungerer Ämme, wo mir bimne gmüetleche Brätle wieder ä Huufe Gsichter vo angerne Landjugine us dr ganze Region dörfe ahträffe. D Melanie schickt dir de bi Zite no aui witere Infos.

Chrüpfedrücker Chilbi: SA, 03.06.2023

D Landjugi Seeland organisiert a däm Wucheändi ihri Chrüpfedrücker Chilbi u mir göh am Samstigabä ga häufe feste. Starte tuet üses Seeland-Usflügli am 20:00 bim Klubrum u d Nadine nimmt bis am Abä vorhär dini Ahmäudig entgäge.



Musikfest Biembach: SA, 10.06.2023

D Musikgseuschaft Biembach het ä Grund zum Fiire: Si wird 100i u organisiert ds Hasle b. B. äs Jubiläumsfest!

Das wei mir nid verpasse u drum träffe mir üs am 20:00 bim Klubrum. Gib doch ar Jasmin bis am 08.06. Bscheid, wed o drbi bisch.

Klettersteig Moléson: SO, 11.06.2023

Het dir bim Bouldere di früschi Luft gfäut? De chumm unbedingt mit, we mir uf Moléson dr Klettersteig göh ga unsicher mache. Gib am Bärni bis am 02.06. dini Ahmäudig düre u de gsehtme sech a däm Sunntigmorgä am 08:00 bim Klubrum!

Seilizieh: FR, 16.06.2023

Mir probieres o das Jahr nomau. Aber dini Savannehuscher darfsch gärn grad daheime la, mir bruche nämlech ahständig Schuwärch! Drum: Sportiva ihpacke, Ahmäudig bim Ändu platziere u de chas fasch nume no guet cho.



Hochzyt Barbara & Marc: SA, 17.06.2023

Mir si am Hochzyt vom Marc u dr Barbara zum Spalierstah und abschliessende Apéro iglade. Träffe tüe mir üs ume Mittag um bim Klubrum, bevor mir de uf d Mutte ds Signou verschiebe. Ahmäude darfsch di ab sofort bir Andrea.

Bubble Football: SO, 18.06.2023

Es isch aube schono ä Seich, weme am Bau nachesecklet u när ufd Schnure gheit. Drum hole mir üs im Juni es ahständig Pouster: Mir spile nämlech Bubble Football. E Landjugi us dr Region West isch o drbi u übernimmt de grad d Gägnerroue. Wed o mitchunnsch, nimmt d Nadine dini Ahmäudig bis am 02.06. entgäge. Mir träffe üs am 09:00 bim Klubrum.



Cordonbleu-Ässe: FR, 23.06.2023

Schnipo isch guet, aber Cordonbleu isch besser! A däm Fritigabä göh mir uf Herzogenbuchsee ga d Büuch mit Cordonbleu füue. Träffpunkt isch 19:00 bim Klubrum u ahmäude darfsch di bis am 19.06. bim Küsu.

Augstmatthorn u Brunch: SO, 25.06.2023

Mir hei a däm Sunntigmorgä ä perfekte Sunneufgang ufem Augstmatthorn bsteut. Wosch o cho luege, ih weune Farbe dass er gliferet wird? De mäud di bis am 11.06. bim Bärni ah. Di gnau Zit wird dir de no verrate, aber dr Wecker chönnt de schono früech gah a däm Morgä. Dr abschliessend Brunch darf natürlech de o nid fähle.



Vorschou

- Landjugi-Ferie: 20. - 26.07.2023 > CHUNNSCH OH?
- Landjugi-Theater: 13., 15. & 16.09.2023 (17.09.2023: Ufrume)
- SAC-Hütte: 05. & 06.08.2023
- Volleyballturnier: 12.11.2023



Kontakt

Nina: 079 920 60 81
Andrea: 079 104 36 68
Nadine: 077 521 73 69
Bärni: 076 443 19 57
Jasmin: 079 618 56 20
Ändu: 077 459 99 18
Küsu: 079 924 67 48

Region West:

Melanie: 077 525 06 35